

T-10

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 67. sjednici, održanoj dana 29.07.2020. godine, d o n o s i

ZAKLJUČAK

I.

Usvaja se Informacija o koncesijama na vodama za 2019. godinu, Ministarstva za poljoprivredu, šumarstvo i vodoprivredu.


II.

Informacija iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-21-12849 /20
Datum, 29.07.2020. godine
Zenica



DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**INFORMACIJA O KONCESIJAMA
NA VODAMA
ZA 2019. GODINU**

Zenica, juli 2020. godine

SADRŽAJ:

UVOD

1. DODIJELJENE KONCESIJE DO 2019. GODINE

1.1. Dodijeljene koncesije za korištenje vode za flaširanje

1.2. Dodijeljene koncesije za izgradnju malih hidroelektrana

2. DODJELA KONCESIJA NA VODAMA U 2019. GODINI

2.1. Dodijeljene koncesije

2.2. Postupci koji su u toku

2.3. Postupci koji su prekinuti ili obustavljeni

3. KONCESIONA NAKNADA U 2019. GODINI

4. ZAKLJUČAK



UVOD

Programom rada Vlade Zeničko-dobojskog kantona za 2020. godinu u mjesecu julu planirano je razmatranje Informacije o koncesijama na vodama za 2019. godinu, a prema Programu rada Skupštine Kantona razmatranje iste planirano je za avgust 2020. godine.

Oblast koncesija na vodama uređena je sljedećim zakonima:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama („Službene novine Federacije Bosne i Hercegovine“, broj: 40/02 i 61/06),
- Zakon o koncesijama (Prečišćeni tekst) („Službene novine Zeničko-dobojskog kantona“, broj: 05/03),
- Odluka o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13),
- Zakon o vodama („Službene novine Federacije BiH“, broj: 70/06), i
- Zakon o vodama Zeničko-dobojskog kantona („Službene novine Zeničko-dobojskog kantona“, broj: 17/07).

U pogledu primjene kantonalnog Zakona o koncesijama iz resorne nadležnosti Ministarstva za poljoprivredu, šumarstvo i vodoprivredu (u daljem tekstu: Ministarstvo), kada je u pitanju resurs voda, aktivnosti su se odnosile na eksploataciju mineralne/prirodne vode radi flaširanja i izgradnju hidroenergetskih objekata snage do 5 MW iz nadležnosti Kantona.

U nastavku Informacije dat je pregled dodijeljenih koncesija do 2019. godine i u 2019. godini, te finansijskih tokova i programa aktivnosti u izvještajnom periodu.

1. DODIJELJENE KONCESIJE DO 2019. GODINE

1.1. Dodijeljene koncesije za korištenje voda za flaširanje

U tabeli 1. dat je pregled privrednih subjekata - koncesionara koji obavljaju djelatnost flaširanja prirodne ili mineralne vode, odnosno korištenje termo-mineralne vode.

TABELA 1.: Pregled dodijeljenih koncesija na vodama do 2019. godine

R. br.	KONCESIONAR – SJEDIŠTE	LOKALITET /OPĆINA	PREDMET KONCESIJE	ODLUKA VLADE O DODJELI KONCESIJE/ UGOVOR O KONCESIJI	VRIJEME VAŽENJA KONCESIJE (GODINA)
1	2	3	4	5	6
1.	„Prirodni kiseljak Princess“ d.o.o. Tešanj	Oraš – Planje/ Tešanj	Crpljenje mineralne vode	Odluka Vlade 02-25-5004/03 od 11.03.2003. god. Ugovor potpisan: 02.06.2003.	30
2.	„TEŠANJSKA VRELA“ d.o.o. Tešanj	Cerik/ Tešanj	Crpljenje mineralne vode	Odluka Vlade 02-25-23244/03 27.10.2003. g. Ugovor potpisan: 08.03.2004.	30
3.	„ZEMA“ d.o.o. Tešanj	Raduša/ Tešanj	Crpljenje mineralne vode	Odluka Vlade 02-25-172/04 30.12.2003. g. Ugovor: potpisan 08.03.2004.	30
4.	„IRIŠKIČ“ d.o.o. Tešanj	Jezerачka rijeka/ Zenica	Crpljenje prirodne vode	Odluka Vlade 02-25-16492/04 od 05.08.2004. g. Ugovor potpisan: 19.11.2004.	30
5.	„AZ-EN PETROL“	Podjezera/ Zenica	Crpljenje prirodne vode	Odluka Vlade: 02-25-32628/08 od 14.10.2008. god. Ugovor o koncesiji potpisan 13.12.2011. god.	30
6.	JZU „AQUATERM“ d.o.o. Olovo	Banje	Crpljenje termo-mineralne vode	Odluka Vlade: 05-25-8682/15 od 14.4.2015. god. Ugovor o koncesiji potpisan 12.06.2015.	30
7.	„KRALJEVSKA“ d.o.o. Sarajevo	izvorište „Radakovica“ Vareš	Crpljenje mineralne vode	Odluka Vlade: 02-25-4124/17 od 23.03.2017. godine; U toku pribavljanje odobrenja za građenje kao uslov za zaključenje ugovora o koncesiji;	30
8.	„NERKEN“ d.o.o. Maglaj	Izvorište „Donji Rakovac“ Maglaj	Crpljenje prirodne vode	Odluka Vlade: 02-25-1193/19 od 24.01.2019. godine; U toku pribavljanje odobrenja za građenje kao uslov za zaključenje ugovora o koncesiji;	30

Iz navedenog pregleda vidljivo je da je aktivno šest koncesija za korištenje prirodne, mineralne odnosno termo-mineralne vode, a za dvije dodijeljene koncesije u toku je pribavljanje potrebnih saglasnosti i dozvola prije zaključenja ugovora o koncesiji.

1.2. Dodijeljene koncesije za izgradnju malih hidroelektrana (MHE)

Pregled dodijeljenih koncesija za izgradnju malih hidroelektrana (u daljem tekstu: MHE), u periodu od donošenja Zakona o koncesijama do kraja 2019. godine, dat je u narednoj tabeli.



Informacija o koncesijama na vodama za 2019. godinu

TABELA 2. Pregled dodijeljenih koncesija za izgradnju MHE

r. br.	Naziv MHE	Vodotok/ Lokalitet	Općina	Instalirana snaga (kW)	Moguća godišnja proizvodnja (GWh)	Koncesioner	Odluka Vlade o dodjeli koncesije	Ugovor o koncesiji (broj/datum)	Koncesiona naknada (% od uk. prih. od prodaje el.energije)	Status
1.	Bošašnica ušće	Gostović	Zavidovići	921	3,775	„EBH“ d.o.o. Sarajevo	„Službene novine Zeničko-dobojskog kantona“, broj: 6/06, 6/10, 20/12 i 9/14	05-25-10967-1/06 od 03.07.2006. (Ugovor o prenosu: 05-25-10967-5/06 od 03.06.2010.) 05-25-15351-1/10 od 03.06.2010. Aneks I ugovora br. 05-25-15351-3/10 od 07.12.2012. Aneks II ugovora br. 05-25-15351-5/10 od 09.01.2015	3,1	U funkciji
2.	Rujevica- ušće	Gostović	Zavidovići	714	2,602	„EBH“ d.o.o. Sarajevo	„Službene novine Zeničko-dobojskog kantona“, broj: 6/06, 6/10, 20/12 i 9/14	05-25-10966-1/06 od 03.07.2006. (Ugovor o prenosu: 05-25-10966-5/06 od 03.06.2010.) 05-25-15352-1/10 od 03.06.2010. Aneks I ugovora br. 05-25-15352-3/10 od 07.12.2012. Aneks II ugovora br. 05-25-15352-5/10 od 09.01.2015.	3,6	U funkciji.
3.	Kamenica	Gostović	Zavidovići	778	2,655	„EBH“ d.o.o. Sarajevo	„Službene novine Zeničko-dobojskog kantona“, broj: 6/06, 6/10, 9/14, 12/15 i br. 02-25-17549/17 od 14.12.2017. god.	02-25-25181/06 od 08.12.2006. Aneks ugovora br. 05-25-25181-1/096 od 09.12.2008. Aneks II ugovora br. 05-25-05-25-25181-3/06 od 03.06.2010. Aneks III ugovora br. 05-25-25181-7/06 od 10.11.2014. Aneks IV ugovora br. 05-25-25181-11/06 od 24.12.2015. Aneks V ugovora br. 05-25-25181-16/06 od 03.01.2018	2,4	U funkciji
4.	Čardak	Gostović	Zavidovići	945	4,514	„EBH“ d.o.o. Sarajevo	„Službene novine Zeničko-dobojskog kantona“, broj: 6/06, 13/06, 6/10 i 20/12	02-25-25182/06 od 08.12.2006. Aneks ugovora br. 05-25-25182-1/096 od 09.12.2008. Aneks II ugovora br. 05-25-05-25-25182-3/06 od 03.06.2010., Aneks III ugovora br. 05-25-25182-5/06 od 07.12.2011. godine Aneks IV ugovora br. 05-25-25182-7/06 od 07.12.2012.	3,1	U funkciji
5.	Bistričak	Bistričak	Zenica	810	4,035	„FEKO-ENERGY“ d.o.o. Zenica	„Službene novine Zeničko-dobojskog kantona“, broj: 11/06, 7/10 i 1/11 i Odluka Vlade o davanju saglasnosti za prenos ugovora o koncesiji za MHE Bistričak („Službene novine Zeničko- dobojskog kantona“, broj: 14/18)	05-25-24041/07 od 18.10.2007. godine; aneks ugovora br. 05-25-24041-1/06 od 09.07.2010. aneks II ugovora br. 05-25-24041-4/06 od 18.01.2011. Ugovor o koncesiji sa „FEKO-ENERGY“ d.o.o. Zenica, broj 05- 25-24041-7/07 od 13.11.2018. godine	1,1	U funkciji.
6.	Čajdraš	Magistralni cjevovod zeničkog vodovoda	Zenica	485	3,633	JP „Vodovod i kanalizacija“ d.o.o. Zenica	„Službene novine Zeničko-dobojskog kantona“, broj: 12/09	05-25-2583-7/09 od 06.09.2010.	2,0	U funkciji.
7.	Vareš	Stavnja	Vareš	980	4,600	„EKO-ENERGY“ d.o.o. Tešanj	„Službene novine Zeničko-dobojskog kantona“, broj: 13/12	05-25-17617-3/12 od 02.06.2015. godine	1-10 god 7% 11-20 god 15,5 % 21-30 god 21 %	U funkciji.
8.	Podjezera	Jezeracka rijeka	Zenica	460+190	1,822	„EKO-ENERGY“ d.o.o. Tešanj	„Službene novine Zeničko-dobojskog kantona“, broj: 13/12	05-25-793-29/12 od 10.09.2015. godine	1-10 god 7,1% 11-30 god 12 %	U funkciji
9.	Pepelari	Pepelarska rijeka	Zenica Žepče	448	2,300	„EMY“ d.o.o. Zenica	„Službene novine Zeničko-dobojskog kantona“, broj: 13/13	05-25-3325-35/11 od 11.02.2016. godine	5	U funkciji
10.	Petrovići	Stupčanica	Olovo	1.555	6,65	„ENERGONOVA“ d.o.o. Sarajevo	„Službene novine Zeničko-dobojskog kantona“, broj: 10/15	U toku je pribavljanje odobrenja za građenje što je uslov za potpisivanje ugovora	10	-
11.	Tribija	Tribija	Vareš	961	3,97	„ENERGONOVA“ d.o.o. Sarajevo	„Službene novine Zeničko-dobojskog kantona“, broj: 5/16	U toku je pribavljanje odobrenja za građenje što je uslov za potpisivanje ugovora	10	-
12.	Kula	Stavnja	Vareš	3.370	13,15	„EKVA“ d.o.o. Vareš	„Službene novine Zeničko-dobojskog kantona“, broj: 8/17	U toku je pribavljanje odobrenja za građenje što je uslov za potpisivanje ugovora	-	-
13.	Prekidna komora i Hiorna stanica	Magistralni vodovod Suha - Zavidovići	Zavidovići	52 + 54	0,670	JKP RADNIK Zavidovići	„Službene novine Zeničko-dobojskog kantona“, broj: 10/15	26.11.2018. godine isteklo vrijeme za dostavljanje odobrenja za građenje, što je bio uslov za potpisivanje ugovora	5	-

Do sada je izgrađeno i pušteno u pogon devet malih hidroelektrana i to: MHE Rujevica-ušće, MHE Botašnica-ušće, MHE Čardak, MHE Čajdraš, MHE Bistričak, MHE Vareš, MHE Podjezera i MHE Pepelari i MHE Kamenica, dok je za MHE „Prekidna komora i hlorna stanica“ zavidovičkog vodovoda istekao rok iz Odluke Vlade za zaključenje ugovora, a za ostale tri je u toku pribavljanje odobrenja za građenje, što je uslov za zaključenje koncesionog ugovora.

2. DODJELA KONCESIJA NA VODAMA U 2019. GODINI

2.1. Dodijeljene koncesije

2.1.1. U toku 2019. godine Vlada Zeničko-dobojskog kantona dodijelila je koncesiju za crpljenje prirodne vode investitoru „NERKEN“ d.o.o. Maglaj sa izvorišta „Donji Rakovac“, Maglaj, Odlukom broj: 02-25-1193/19 od 24.01.2019. godine, nakon prethodno pribavljene saglasnosti Općinskog Vijeća općine Maglaj i prethodne vodne saglasnosti, te provedenog postupka javnog prikupljanja ponuda. U toku je pribavljanje odobrenja za građenje kao uslov za zaključenje ugovora o koncesiji.

2.2. Postupci koji su u toku

2.2.1. Samoinicijativna ponuda „EKVA Energy“ d.o.o. Vareš od 15.10.2017. godine za dodjelu koncesije za izgradnju MHE „Trstionica“ snage 600 kW na rijeci Trstionici, naselja Kraljeva Sutjeska, općina Kakanj

Po podnesenom samoinicijativnom zahtjevu Ministarstvo je pokrenulo provođenje postupka, tako što je aktom broj: 05-25-07497-3/17 od 29.10.2018. godine, zatražilo saglasnost Općinskog Vijeća općine Kakanj.

U 2019. godini Ministarstvo je Općinskom Vijeću općine Kakanj dostavilo Urgenciju broj: 05-25-09572-2/18 od 12.04.2019. godine.

2.2.2. Samoinicijativna ponuda „TBG BH“ d.o.o. Kakanj od 17.04.2018. godine za dodjelu koncesije za korištenje vode na parceli označenoj kao k.č. 290/476 u K.O. Zenica, Grad Zenica

Ministarstvo je pokrenulo provođenje postupka, tako što je aktom broj: 05-25-03557-1/18 od 25.04.2018. godine zatražilo saglasnost Gradskog Vijeća Grada Zenica.

U 2019. godini Ministarstvo je Gradskom Vijeću Grada Zenica dostavilo Urgenciju broj: 05-25-03557-3/18 od 12.04.2019. godine.

2.2.3. Samoinicijativna ponuda „Water“ d.o.o. Žepče za dodjelu koncesije za crpljenje, zahvatanje i flaširanje mineralne i izvorske vode na lokalitetu Matina – Ponijevo

„Water“ d.o.o. Žepče je 30.04.2019. godine podnio samoinicijativnu ponudu - zahtjev za dodjelu koncesije za crpljenje, zahvatanje i flaširanje mineralne i izvorske vode na lokalitetu Matina – Ponijevo, i to izvorske vode u količini 0,5 l/s sa izvorišta koje se nalazi na parceli označenoj kao k.č. 1328/2 u K.O. Ponijevo i mineralne vode u količini 1 l/s sa izvorišta koje se nalazi na parceli označenoj kao k.č. 954/1 u K.O. Ponijevo, sve općina Žepče.

Ministarstvo podnijelo je podnijelo zahtjev za saglasnost Općinskog Vijeća Općine Žepče 06.05.2019. godine, a 30.05.2019. godine dostavljena je Suglasnost O.V. broj: 01-25-82/19 od 30.05.2019. godine, te je Rješenjem Ministarstva broj: 05-25-04023-2/19 od 01.07.2019. godine formirana komisija. U toku je pribavljanje prethodne vodne saglasnosti.

2.2.4. Samoinicijativna ponuda „SAMS group“ d.o.o. Kakanj za dodjelu koncesije za eksploataciju prirodne vode iz vodozahvata „HLADIVODE“, Kakanj

„SAMS group“ d.o.o. Kakanj je podnijelo samoinicijativnu ponudu - zahtjev za dodjelu koncesije za eksploataciju prirodne vode u količini od 0,2375 l/s iz vodozahvata „HLADIVODE“, na parcelama označenim kao k.č. 2063 u K.O. Vukanovići i 1993 u K.O. Tršće, općina Kakanj.

Ministarstvo je 18.12.2019. godine podnijelo zahtjev za saglasnost Općinskog Vijeća Općine Kakanj, koja je uslov za dalje vođenje postupka.

2.3. Postupci koji su prekinuti ili obustavljeni

2.3.1. Samoinicijativna ponuda „EL-ing“ d.o.o. Maglaj, za izgradnju MHE „MEGARA 1“ snage 30 kW na rijeci Megari, općina Maglaj.

Investitora „EL-ing“ d.o.o. Maglaj dostavio je samoinicijativnu ponudu 06.07.2017. godine za izgradnju MHE „MEGARA 1“ snage 30 kW na rijeci Megari, općina Maglaj

Općinsko Vijeće Općine Maglaj dostavilo je 19.04.2019. godine Zaključak broj: 02-05-1-1318-11/18 od 07.06.2018. godine, kojim nije data saglasnost za dodjelu koncesije iz razloga što navedeno područje nije definisano kao lokalitet za gradnju male hidroelektrane i nije označeno kao značajno za općinu Maglaj, te je ovo Ministarstvo donijelo Rješenje broj: 05-25-07493-5/19 od 25.04.2019. godine, kojim je odbijen zahtjev investitora.

2.3.2. Samoinicijativna ponuda – „BOSNA SPRINGS“ d.o.o. Tešanj za dodjelu koncesije za eksploataciju prirodne vode na području općine Tešanj.

Investitor „BOSNA SPRINGS“ d.o.o. Tešanj, putem advokata Alemdara Brkića iz Tešnja dostavio je samoinicijativnu ponudu za dodjelu koncesije 06.09.2017. godine. Uz zahtjev nije priložena nikakva dokumentacija.

Obzirom da podnesak nije bio potpun, podnosilac je pozvan da dostavi podatke za upotpunjavanje podneska, zahtjevom ovog Ministarstva broj: 05-25-07494-3/17 od 09.11.2018. godine i urgencijom za dostavljanje dopune podneska broj: 05-25-07494-4/17 od 12.04.2019. godine,.

Pošto investitor nije postupio po pozivu i u ostavljenom roku nije dostavio traženu dokumentaciju, to je Ministarstvo donijelo Zaključak broj: 05-25-07494-5/17 od 01.10.2019. godine, o odbacivanju predmetnog zahtjeva.

3. KONCESIONA NAKNADA U 2019. GODINI

Po osnovu zaključenih ugovora o koncesiji, koncesionari su preuzeli obavezu plaćanja koncesione naknade. Visina koncesione naknade za korištenje prirodne i mineralne vode utvrđena je kao procenat od iznosa posebne vodne naknade za korištenje voda za ovu namjenu, a visina koncesione naknade za MHE kao procenat od ukupnog godišnjeg prihoda ostvarenog od prodaje električne energije, odnosno u skladu sa Odlukom o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13 i 16/18), a krajnja visina koncesione naknade utvrđena je nakon provedenog javnog prikupljanja ponuda.

Osnovica za plaćanje naknade za flaširanje vode je registrovana zahvaćena količina vode, a ne može biti manja od utvrđene minimalne količine iz ugovora koja je data na koncesiju (minimalna izdašnost izvorišta), dok je osnovica za plaćanje naknade za MHE proizvedena električna energija. Pregled uplata koncesionih naknada po osnovu flaširanja i po osnovu rada malih hidroelektrana dat je u Tabelama 3. i 4.

TABELA 3. Pregled uplata koncesione naknade za korištenje prirodne, mineralne i termo-mineralne vode u 2019. godini

Red. br.	KONCESIONAR	UPLAĆENI IZNOS (KM)
1.	Prirodni kiseljak "Princess" d.o.o. Tešanj	17.828,80
2.	„Tešanjaska vrela“ d.o.o. Tešanj	7.488,00
3.	"ZEMA" d.o.o. Tešanj	64.788,00
4.	„IRIŠKIĆ“ d.o.o. TEŠANJ	17.971,20
5.	"AZ-EN" Petrol d.o.o. Tešanj	10.610,00
6.	Javna ustanova banjско rekreativni centar „Aquaterm“ d.o.o. Olovo	25.900,00
UKUPNO:		144.586,00

TABELA 4: Pregled uplata koncesione naknade za MHE u 2019. godini

Red. br.	KONCESIONAR	UPLAĆENI IZNOS (KM)
1.	"ADRIJA-PRODUKT " d.o.o. Zenica za MHE „Bistričak“/"FEKO-ENERGY" d.o.o. Zenica	4.285,16
2.	JP „ViK“ Zenica MHE „Čajdraš“	7.315,56
3.	„EBH“ d.o.o. Sarajevo za MHE „Čardak“, MHE „Rujevica-ušće“ i MHE „Botašnica-ušće“	35.091,90
4.	„EKO-ENERGY“ d.o.o. Tešanj za MHE „Vareš“ na rijeci Stavnji i za MHE „Podjezera“ na Jezeračkoj rijeci, Grad Zenica	70.143,09
5.	„EMY“ d.o.o. Zenica	8.829,84
UKUPNO:		125.665,55

Iz navedenih tabela vidljivo je da je po osnovu korištenja prirodne, mineralne i termomineralne vode u 2019. godini uplaćeno ukupno 144.586,00 KM, a po osnovu rada MHE 125.665,55 KM, što ukupno iznosi **270.251,55 KM**.

U poređenju sa 2018. godinom u kojoj je uplaćeno 382.019,91 KM KM, vidljivo je da je ostvaren manji priliv, a razlog za to je izuzetno sušna 2019. godina, tako da su MHE radile sa upola kapaciteta i samim tim i priliv je svega 54% od uplata u 2018. godini u kojoj je po osnovu koncesionih naknada za MHE uplaćeno 232.984,91 KM.

Pregled obaveza i dugovanja pojedinačno po koncesionarima koji koriste prirodnu, mineralnu, odnosno termo-mineralnu vodu, sa prikazom zahvaćenih količina i obračuna koncesione naknade po zaključenim ugovorima, zaključno sa 31.12.2019. godine, dat je u Tabeli 5.

TABELA 5. Pregled obaveza i dugovanja po koncesionarima sa 31.12.2019. godine

KONCESIONAR	Minimalna količina po ugovoru (m3/god)	Zahvaćena količina vode (m3/god)	Visina koncesione naknade utvrđene ugovorom (KM/m3)	Koncesiona naknada minimalna po ugovoru (KM)	Koncesiona naknada prema zahvaćenim količinama (KM)	Stanje dugovanja sa 31.12.2018. godine (KM)	Ukupne obaveze koncesionara (KM)	Uplate koncesionara u 2019. godini (KM)	Stanje dugovanja sa 31.12.2019. godine (KM)
1	2	3	4	5=2*4	6=3*4	7	8=5 ili 6 (veći iznos) +7	9	10=8-9
Prirodni kiseljak "Princes" Tešanj	7.488,00	9.118,00	1,60	11.980,80	14.588,80	3.240,00	17.828,80	17.828,80	0,00
"Tešanjaska vrela" Tešanj	3.744,00	1.893,00	2,00	7.488,00	3.786,00	1.872,00	9.360,00	7.488,00	1.872,00
"ZEMA" Tešanj	14.976,00	32.953,00	2,00	29.952,00	65.906,00	14.394,00	80.300,00	64.788,00	15.512,00
"IRIŠKIĆ" d.o.o TEŠANJ	14.976,00	1.922,00	1,20	17.971,20	2.306,40	15.364,97	33.336,17	17.971,20	15.364,97
"AZ-EN Petrol" d.o.o Tešanj	7.488,00	329,47	1,00	7.488,00	329,47	11.574,00	19.062,00	10.610,00	8.452,00
JU banjsko rekreativni centar "Aquaterm" d.o.o. Olovo	25.900,00	25.900,00	1,00	25.900,00	25.900,00	0,00	25.900,00	25.900,00	0,00
UKUPNO:				100.780,00	112.816,67	46.444,97	185.786,97	144.586,00	41.200,97

Stanje dugovanja aktivnih koncesionara sa 31.12.2019. godine iznosi 41.200,97 KM, što je značajno manje u odnosu na 31.12.2018. godine, kada je dug iznosio je 84.256,91 KM. Treba napomenuti da se najveći dugovanja iskazanog 31.12.2018. godine odnosio na raskinute ugovore o koncesiji za koje su pokrenuti sudski postupci putem Kantonalnog pravobranilaštva, a ta potraživanja su u skladu sa propisima iz oblasti finansija, preknjižena u Ministarstvu finansija na sporna i sumnjiva potraživanja.

Od iskazanog dugovanja sa 31.12.2019. godine od 41.200,97 KM, početkom 2020. godine izvršene su uplate u iznosu od 17.384,00 KM i to od strane koncesionara „Tešanjaska vrela“ u iznosu od 1.872,00 KM i od strane „ZEMA“ u iznosu od 15.512,00 KM, tako da stvarno dugovanje za 2019. godinu iznosi **23.816,97 KM** i to dugovanja koncesionara „IRIŠKIĆ“ od 15.364,97 i „AZ-EN Petrol“ od 8.452,00 KM.

Za iskazana, a neizmirena dugovanja Ministarstvo ima obavezu po odredbama koncesionih ugovora pokrenuti postupak aktiviranja mjenica, sa ciljem da se dugovanja do kraja 2020. godine svedu na 0,00 KM, ili će u suprotnom pokrenuti postupke raskida koncesionih ugovora.

Izveštaj o izvršenim uplatama koncesionih naknada Ministarstvo finansija redovno dostavlja Ministarstvu za poljoprivredu, šumarstvo i vodoprivredu.

Od ukupno uplaćenih sredstava 70% se alocira jedinicima lokalne samouprave (u daljem tekstu: JLS) na čijem području se nalazi predmet koncesije, u skladu sa Odlukom Vlade Kantona o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13), tačnije po svakoj izvršenoj uplati Ministarstvo za poljoprivredu, šumarstvo i vodoprivredu, na osnovu izvještaja Ministarstva finansija izdaje nalog za transfer 70% sredstava dotičnoj JLS.

Prema informacijama prikupljenim od JLS na čijem području se nalazi predmet koncesije, alocirana sredstva utrošena su za slijedeće namjene:

Grad Zenica

Gradu Zenica je u 2019. godini prebačen iznos od 52.667,42 KM, po osnovu uplata koncesione naknade od strane koncesionara koji se bave djelatnošću flaširanja vode i proizvodnjom električne energije u malim hidroelektranama na području Grada Zenica.

Prema izvještaju Grada Zenice navedeno je da su sredstva ubrana po osnovu koncesione naknade u 2019. godini utrošena za kupovinu i isporuku materijala za izgradnju vodovodne linije na dionici Čajdraš-Lokvine-Grm.

Općina Olovo

Po osnovu kontinuirane koncesione naknade općini Olovo su u izvještajnom periodu prebačena sredstva u iznosu od 18.130,00 KM, od kojih su sredstva prema Izvještaju Općine, utrošena za slijedeće namjene:

Red.br.	Naziv projekta	Iznos (KM)
1.	Plaćanje dospjele obaveze po kreditu Vlade Kraljevine Španije-vodosnabdijevanje	5.096,55
2.	Radovi na uređenju gradskih površina	8.043,87
3.	Radovi na uređenju spomenika Trg Senahid Bolić Bolo	964,34
4.	Natkrivanje spomen obilježja ispred Općine	3.950,16
5.	Radovi planiranja i razgrtanja materijala u poslovnoj zoni Danac.	639,13
UKUPNO:		18.694,05

U izvještaju Općine Olovo navedeno je da višak sredstava u iznosu od 564,05 KM predstavljaju ostatak sredstava koja su doznačena za raniji period.



Općina Tešanj

Općini Tešanj je u 2019. godini prebačen iznos od 59.494,96 KM, po osnovu uplata koncesione naknade od strane koncesionara koji se bave djelatnošću flaširanja vode.

Općina Tešanj dostavila je izvještaj u kojem je navedeno da se sredstva ubrana po osnovu koncesione naknade u 2019. godini utrošena u slijedeće projekte:

Red.br.	Naziv MZ	NAZIV PROJEKTA	Ukupno plan (KM)	Ukupno realizirano (KM)
1.	Raduša	Vodovod Raduša	18.000	18.000
2.	Oraš Planje	Izgradnja puta Planje-Mrkotić	27.000	27.000
3.	Karadaglije	Dugovanja za izgradnju puta iz ranijeg perioda	25.000	25.000
UKUPNO:			70.000	70.000

Općina Vareš

Općini Vareš je u 2019. godini prebačen iznos od 24.410,20 KM, koja su prema Izvještaju Općine utrošena za sufinansiranje projekta asfaltiranja dijela puta Striježevo-Kokošćići. Takođe je navedeno da je vrijednost projekta iznosila 103.334,10 KM, od čega je učešće Općine iznosilo 43.344,10 KM, a Federalnog ministarstva finansija 60.000,00 KM.

Općina Zavidovići

U izvještajnom periodu općini Zavidovići prebačen je iznos od 21.247,32 KM. Općina Zavidovići dostavila je zaključak Općinskog Vijeća Zavidovići, kojim je usvojena Informacija o utrošku sredstava po osnovu nakande od koncesija u 2019. godini, iz koje je vidljivo da su sredstva utrošena na ime sanacije, održavanja, rekonstrukcije putne infrastrukture na područje općine Zavidovići.

Općina Žepče

Općini Žepče je u 2019. godini prebačen iznos od 2.995,05 KM, po osnovu uplata koncesione naknade za MHE Pepelari, koje je Općina utrošila za MZ Selište – projektna dokumentacija za nabavu i isporuku opreme za vodovod u ukupnom iznosu od 5.300,00 KM, a razlika je uplaćena iz sredstava proračuna Općine.

4. ZAKLJUČAK

U toku 2019. godine dodijeljena je jedna koncesija za crpljenje prirodne vode, u postupku se nalazilo 4 predmeta dodjele koncesije na vodama, dok su u izvještajnom periodu dva postupka obustavljena, o čemu je u ovoj informaciji dat detaljan pregled aktivnosti u 2019. godini za svaki od navedenih postupaka.

U 2019. godini je po osnovu koncesionih naknada uplaćeno ukupno 270.251,55 KM, što je za cca 30 % manje nego u 2018. godini, u kojoj je priliv po tom osnovu iznosio 382.019,91 KM, jer je 2019. godina bila izrazito sušna godina.

Potraživanja koncesionih naknada iz ranijeg perioda su, prema zahtjevima revizije, prebačena na sumnjiva i sporna, dok se ne okončaju sudski postupci.

Prema ugovorima o koncesijama za flaširanje vode obezbijedene su mjenice kao instrument naplate eventualnih dugovanja, čijim aktiviranjem se planira iskazano dugovanje svesti na 0,00 KM do kraja 2020. godine ili u suprotnom pokrenuti postupke raskida koncesionih ugovora, dok se za MHE uplata koncesione naknade vrši na osnovu obračunata i prodate električne energije.

Obradivač

 Senada Dizdar

